

qinati tua sevalitan nua sepayuan a caucau

ka sicuayan, ka nekanan a caucau i kacauan, azua ljaljak anan a qadaw cemalivat a maka navalj i Taiwang, palemek a pacun ta tagaduan tu izua a bulabulay a tjaljikedrikedri a vuteqiteqilj a qinaciljay a umaq. paka temalidu aravac a qadaw, qau sa saqumaqan tua qinaciljay a umaq, nasa pacun tu izua anema i qumaqan.

manu izua a kudrakudral a djilung a vincikan a matatailj ta vulung a qatjuvi kata babulabulayan a vecik. azua rusepeljan a qadaw paka talidu aravac, qau qemiladj i pavavaw ta djilung sa pacun ta vecik ita qaciljay a djeljep. manu inikana kinemenem, pualjak a qadaw tu drusa qecilu a pitaladj ta djilung. ka tjaukavuak a qecilu, mintjus a qadaw, sa cedas tua mezangal a teljar. pai azua maljavaljavar i gadugadu a vatu kata ngiyaw, ka pacun tiyamadju ta na semamalji a teljar, pakirimu a mintuluq a sema kagaduan, pasa kemeljang tu izua anema a uri mapacung. azua minglayalayap i kalevelevan a qayaqayam a tjatjiv, namintjus uta a pacun tua teljar, sa inlayap a semavavaw ta kasiw i palikulikuz ta qinaciljay a umaq, sa pacun taicu a inianan a tjapacuni kasicuayan a kinakemudamudan.

pai kapacun a vatu ta temeljateljar a umaq a qinaciljay, pakirimu a gemureguregur a kipalingulj ta umaq. mezangal a siguruguran na vatu a matu midradrua a kadjunungan a kalevelevan, patjetucu inianan a temuru a ljeteku. pai sa kaipuq uta a kudrakudral adjilung, manu maruqu a drusa kudrakudral a qecilu, sa karuqu a tjalju dudut tua ngiyaw, pai tangezen a pasekez nua ngiyaw azua qecilu. manu, mapeteq azua qecilu sa inqut azua bulabulay aravac a kakedriyan a vavayan. azua ita qecilu mapeteq sa inqut uta azua sauqaljay aravac a kakedriya a uqaljai.

nalicequt tiamadju a madrusa tua natemljat a kakudrakudralan a maca, pacucun tusa bulabulay a i kacauan, sa djelidjeli a mudingan, a ljingaw nua djeli matu pakeliling anga a pasa kalingkiling, pai sa sekez anga a gemureguregur a vatu, kamalji angiyaw kitadut tjayamadju, sa qazaw a tjalju tua kula niamadju.

a i vavaw tua kasiw a tjatjiv a qayaqayam, masepu ta kinasarunguaq nazua zaing, sa kalevaleva a minglayalayap a penalinguljan tjayamadju, sa qivuivu, “ tjuku! ” “ tjuku! ” “ ljua! ” “ ljua! ” a kadjunungan malevaleva a zemiya miyan, patjetucu a mavalidilidi. a kasiw igadu venevu ta ludjuludju a pisangas, sa vutilak ta makakaizuazua a quljaw a vuciyar nua marka hana. a nasegalju a pana iniyanga ka na masiyaq, sa zarazaizaing a zaljum amaru semenasenay. a kinakina aqadaw i kalevelevan na maleva a cedas tana sulapelj a teljar, sa pateljar a pita djeli na kakedriyan.

ka vililj anga, aicu a vavayan a kakedriyan pakati “ Tjuku ” anga a ngadan, azua a uqaljay a kakedriyan pakati “ Ljua ” anga a ngadan.

aicu a tjaucikel ta madrusa, avan a tjalja sangasangasan a payuan a caucau, aya.

105 年全國語文競賽原住民族語朗讀【南排灣語】 高中學生組 編號 1 號
排灣族創始神話傳說

在好久以前，當整個世界還沒有人類的時候，年輕的太陽經過台灣南部，突然看見一座高山上有一棟漂亮的白色小石板屋。太陽覺得非常好奇，就鑽進石板屋裡，想看一看裡面到底有什麼東西。

結果，石板屋裡有一個刻了一對百步蛇和美麗花紋的大陶壺。淘氣的太陽覺得非常的有趣，就坐在陶壺上觀賞石板牆上的花紋。突然一不小心，太陽生了二個蛋在陶壺裡面。當蛋剛生下來的時候，太陽嚇了一跳，放出了強烈的光芒。在山腰上聊天的狗和貓，看到了奇異的光，立刻衝上山頂，想要看到到底是發生了什麼事。在天空玩耍的迦基夫鳥，也被光芒吸引住，飛到石板屋後面的大樹上，觀看這個從來沒發生過的景象。

狗看到了發亮的石板屋，立刻繞著屋子不停的叫。叫聲之大震動了天地，也把太陽嚇得衝到了天上，到現在都不敢下來。大陶壺也被叫聲震倒了，兩個巨蛋也滾了出來，一直滾到貓的旁邊，貓就用爪子想使滾動的蛋停止。結果，蛋被抓破了。一個蛋裡面居然出現了一位漂亮的小女孩，而另外一個蛋裡面是一個漂亮的小男生。兩個人睜開又大又圓的雙眼，看到了美麗的世界，嘴角出現了可愛的笑容，笑聲好像清脆的鈴鐺一樣，讓狗停止了吠叫，也讓貓溫柔的靠近他們，趴在他們的腳下。

樹上的迦基夫鳥，被動聽的笑聲傳染，高興的在孩子們周圍飛翔，不停的叫著「白谷！」「白谷！」「陸娃！」「陸娃！」地球也興高采烈地跳起舞來，到現在還在旋轉。山上的樹木吐出先率的嫩芽，開出了五顏六色的花朵。沉默的河流不再害羞，唱出了潺潺的歌聲。天空中的太陽媽媽更是高興地放出柔和的光芒，將孩子們的笑容照得更亮麗。

後來，這個女孩的名字叫「白谷」，而男孩的名字就叫「陸娃」。
傳說她們二人，就是排灣族最早的人類，也就是排灣族的始祖。